

Differt a *Lept. Rubra* solis elytris rubris, defectu sulci occipitalis & lineæ thoracicæ, abdominis apice truncato, statura minore.

### **151. LEPTURA Dubia.**

El. long. lin. 4. lat. 1 $\frac{1}{3}$ .

*Diagn.* Tota nigra, sed stria rubra per medium elytri longitudinaliter, a basi ad apicem usque producta.

Inveni in floribus *Spirææ arunci*.

An vere diversa a priore? an proles hybrida *Melanuræ* & *Vexillatæ*?

Variat elytro lin. 3. longo, margine interno apiceque nigro, alibi rubro.

### **152. LEPTURA Oculata.**

El. long. lin. 5 $\frac{1}{2}$ . lat. 1.

**LINN.** Syst. Nat. p. 394. Cerambyx. 38.

*Diagn.* Rufa; capite, antennis, elytrisque nigris; thorace punctis duobus atris.

In floribus.

Caput inclinatum. Antennæ non evidenter attenuatæ. Thorax an strideat, fateor, me nondum observasse. Elytrum seriebus novem punctorum impressorum: apice truncatum & fere bidentatum. Abdomen apice deflexo, truncato.

### **153. LEPTURA Parallelæ.**

El. long. lin. 4 $\frac{1}{2}$ . lat.  $\frac{3}{4}$ .

*Diagn.* Nigra; abdominis basi superne pedibusque flavescentibus.

Pariter Anthophila.

Capitis, thoracis, elytrorum, abdominisque latitudo ubique eadem fere. Antennæ elytro nihilo breviores, setaceæ. Caput inclinatum. Thorax subcylindricus. Elytrum seriebus (6) punctorum impressorum, margine baseos exteriore pedibus concalore. Abdomen obtusum.

### **154. LEPTURA 4-Maculata.**

El. long. lin. 3. lat. 1 $\frac{1}{3}$ .

*Diagn.* Nigra; elytro sordide flavescente: maculis 4. nigris.

Inveni in *Athamanta oreofel*.